

Anpao Kin.

THE DAYBREAK.

"Wankantanhan Anpao kin hiyouhhipi."—Luke 1. 78.

VOL. XVI

FOREST CITY, S. D., DEC., 1899.

NO. 2

ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptaena partapi, wicacaje wanjina eka hiyukiyapi kta empi kinhan, icupi kin iyohina kaxpapi wanji (10c) on kajujupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanm okise (15) on kajujupi kta.

Icupi xni itokab kdajujupi kta.

Wowapi askabyapi maxaxana wanji qaix nonpa owapi kin, mazaska eekiya, ANPAO KIN opeton okilipi kta.

Tiwa wowapi kagin kte ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte econ iyounpaxtakapi kta wookihi yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani-woyakapi kin hena, qa nakun Okodakiciye-wakan kin wotanin tawa tokiokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupi nin ecampi.

W. H. HARE,
Yewicaxipi Bixop

Sioux Falls, S. D. Oct, 1899
South Dakota el Wicaša Wakan,

Winyan Omniciye, Wocekiye omniciye na omniciye toktokeca kin le cicigapi:

Mitakuye tecihilapi:—Lower Brule Agency, S. D. ekta Tipi Wakan he cin, Oct. 1st, Anpetu Wakan ihanna heca, oile kin on ihangyapi, na tokel hececa kin, wowapi wan le ihukuya owapi kin el, Lakota Wicaša Wakan kin ceya se oyaka.

Wicaša Wakan kin waniyetu wikcemna nonpa sanpa šakowin wacintankaya wowaši econ, na Tipi Wakan kin wowaši tawa kin na tawacin kin on he iyotan tanka kin hee.

Ikiyela Tunkansila gle šni owayawa wakanheja kin hena, na tankapi ko, Tipi Wakan kin he el, cantewasteya, wiyuskinyan himnicipi kta ca he wiyeya egle ece. Lakota Wicaša Wakan unkitawapi kin, wowapi kage cin he Lakota wiyukcanpi na cante-yuzapi kin ogn a oyake cankel le iyayustag owakage lo.

Nitakola wacintanka kin
W. H. Hare
He miye.

Lower Brule Agency, S. D.
Oct. 4, 1899.

Bishop tewašila: Woihanke tanka unkitawapi kin on hekta lecala mazaapapi kin on onašoni-ciye. Miye na mitaoyate kin he on anpetu oiyokišica tanka unlakapi. Woihamna šica wan seleececa. Tohanyan wani hehanyan awektonjin kte šni, na tokatkiya woableza tanka ca bluha kte.

Oyanke kin le kiyela tiwahe nonpa, tiwanjila yankapi, na nopin hokšicala wayazanka yuhapi. Owankayujajapi anpetu, Sept. 30 qon, hokšicala wanji te. Tiwahe unma kin, kolawicaye cin ob, te çon he tokan ayapi kta cinpi tka tuktel eonpapi kta wanica lakaš Tipi Wakan kin ogn a šaičiyapi kin el gnakapi kta e makilapi. Canwognake cin ognayan eglepi, na koškalaka etanhan el wakta iyotanke wicašipi. Iyunkan hancokaya ohakab, nonpa ape cin wachantu tokiyab wol iyayapi ce omakiyakapi. Glipi šni ecel wanna tipi kin ile. Wicaša wan wati el hi na mayulica cankel inawape ca Tipi Wakan kin ekta našlog iblable, ça tuwa omakiyapi kta e hlahla kin he bluha. Bluha ohakab wagna wošnap i etanhan oakašpe ska kin iwacu kta wacamni na oiyalipi tokaheya kin iwahuni can, oile na šota kin otehike cankel owankata mahinhpaye. Qeyas mitowašake on tinsmičiyeye ca owanka el slohanhan tiyopa etkiya iblable, tka isanpa taku econ owakihi šni. Pehin na hanhepi hayake kin makihunage tka mitancan kin špan šni. Lakota-kin, wayawa hokšila kin, na wašicun wowaši kin lila škanpi cankel heon untipi kin ile šni. Tipi Wakan taku on ile kin slolwaye šni, tka koškalaka tokiyab yapi icunhan petijanjan kin napopeca kecanmi. Tipi Wakan kin piya kagapi kta ca Lakota wašicun ko mazaska mnayanpi kta-keyapi.

Lakota wica na winyan kin Tipi Wakan tawapi kin tuktetanhan woiyokišica na woiyotaniye-kiye tawapi on wokicanpte yuhapi qon taštapi itokab ataya cahota kin on iyokišicapi na ceyapi. Icin lila otehike lo. Oyate kin on, na iyotan wayawa wakanheja kin, hila wašewicunlakapi, miye na mitawin tokel ecawicunkiconpi kta e slolwaye šni. Lowan obe hayake kin, ogle

sapa na ska mitawa kin, wowapi na Tipi Wakan ikicanye cin ataya awignuni, na hlahla kin he slo. Anpetu Wakan wayawapi kta heon takunni bluha šni.

Anpetu Wakan kin he hinhan-na cekiypapi kin he wati itankal ecamon. Iyunkan iyokišilya econqumpi, wicahapi wocon kin iyececa se. Ho Bishop tewašila kin, le itokab wowapi cicagin kta iyececa, tka tipi hulinage cin itayena pa kin mazani šni. Wiyo-hiyanpata, na tokantu, kolawicunyanpi kin hena Wakantanka wicayawašte kta e icewakiya, hecel wawokiya nape kin glugatapi, na tona iyotaniyeikiya unpi owicakiyapi kte cin heon.

Niei wowaši econ kin

L. C. Walker.

(Wowapi le ihukuya kagapi kin lecala Wošna kaga unpi kin wicacupi na Wawokiya Catechist ko slolyapi kta e le el unkagapi.)

Sioux Falls, S. D.

Nov. 1, 1899

Niobrara Deanery el Wosna kaga unpi kin,—

Misun tecihilapi kin: Oyanke iyaza omawani eca, wahi kin on owicawakiyin kta wacin, heon etanhan wowiyunge tona wawimungin kta iyececa kin, na wošna kagapi omanipi kin sam iwicayungapi kte cin, hena Wicaša Wakan wicitokab piya wicawakipazo.

Tipi Wakan kin hena tanyan na ska eglepi, na hulinagin kte šni e tanyan awanyakapi he.

Waniyetu ca oyate iyokipiya cekiya hipi kta e tanyan na cosya kagapi he.

Wacekiyapi iyotan kin el, naiš tohanhan kahniyapi kin, oyate kin, na iyotan wakanheja kin, "Wowicala kin, Itancan Tawocekiye kin, na Woahope Wikcemna kin, nahan Wiwicawangapi pceela el yanke cin", na Wocekiye Wakan wocon kin iyotan kin hena onspewicakiyapi he.

Wawokiya na Catechist unpi kin oyate kin wowicakiyakapi eca, woiciglakapi naiš taku tawapi oyakapi ayaštanpi, na woohola wowicake onahon wašte kin owicakiyakapi he.

Wawokiyapi na Catechist kin hena wicohan wašte na ska igluhapi, na tanyan tipi kin on oyate wicitokab waonspekiya wašte unpi he.

Wošna kaga wi tohan omanipi kin, wicohi wakan oyakapi na wawiconzapi econpi (le wicohan tanka kin) kin iyayustag iwankab taku epe cin he iwanyakapi, na Wawokiya na Catechist, na oyate kin, Bishop hi kinhan hecekel iwicayungin kta, he okahnihi-

cayapi kinhan, Yewicašipi wicohan kin he tanyan wawiyopasta-kapi kta. Nitakola wacinyepica kin W. H. Hare.

N. B.: Lower Brule Agency el Tipi Wakan ile kin he Peta Okolakiciye el wokajuju kin tona miye weçun kte cin ecel ecamon, eša Church of the Holy Comforter etan owacekiye omniciye kin waniyetu tona takuni kajujupi šni awableza; hecel tiile kin on mazaska Kokto (\$1,000.00) wanji kta tka qon, opawinge zaptanla iyowajapi kta, hecel oyate kin iyuha Peta Okolakiciye womnaye kin he lila kiksuyapi kta wacin.

Rosebud Agency ekta, Church of Jesus el Winyan omniciye kin etanhan Convocation el mazaska mnayanpi etanhan Wikcemna šakowin sanpa kašpapi šakowin sam okise wicohan waštešte kin on kicunpi. Tka Convocation econpi šni itokab mazaska wikcemna šakpe Lakota Wicaša Wakan womnaye kin on, na Peta Okolakiciye kin on Akezaptan kicunpi. Heceł ataya wicohan wašte kin on wawokiyapi.

OKOLAKICIYE WAKAN WOTANIN.

Oct. ober 31st he ehan Rt. Rev. H. A. Neely, Maine obašpe el Bishop kin he te.

New York obašpe etanhan Bishop Potter eciyapi kin he Hawaii na Philipine wita kin hena ekta iyaye. Heciya Okolakiciye Wakan tokel škan naiš tokel sanpa tanyan econpi kta hecinhan he iwanyag omani. Heceł wi tona icimani un kta. Tobašpe ilehan-yag un kin icunhan Bishop toktokeca owicalote na el waecaki-conpi kta. Heceł Bishop unkitawapi kin Anpetu Wakan yamni el wowaši econ kta ca iyaye. Bishop Hare hel un kin icunhan anpetu šakpe etanhan anpetu iyo-hila Yewicašipi wicohan owe oyasin on woglakapi kta e omniciye econpi kta. Icinhan Bishop Hare na Mr. Herbert Welsh Ikcewicaša ekta Yewicašipi kin on woglakapi kta.

St. Andrew Sunkakiciyapi kin he Columbus, Ohio ekta, Oct. 19-22 icunhan ataya omniciye econpi. Ake omniciye oiyokipi econpi keyapi. Opawinge šakpe isanpa kahnihi hipi. Bishop yamni na Wicaša Wakan ota el unpi. Saglaša makoce kin etanhan Very Rev. Dean Stubbs el hi na wahokonwicakiya. Mazaska awanyaka itancan kin tawoglako cin eciyatanhan mazaska 25,766.62 icu; na etanhan 23,924.80 yusote; na okapta kin 2,957.23 koya.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two sent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI.

December wi kin.

3. Advent el Anpetu Wakan Tokaheya To stan
10. Advent el Anpetu Wakan Inonpa To stan
17. Advent el Anpetu Wakan Iyamni To stan
20. Ember Anpetu..Akilhanpi anpetu
21. St. Thomas Wahošiyē Ta-anpetu Ša
22. Ember Anpetu..Akilhanpi anpetu
23. Ember Anpetu..Akilhanpi anpetu
24. Advent el Anpetu Wakan itopa To stan
25. Christmas Anpetu Ska
26. St. Stephen Martyr kin . . . Ša
27. St. John Wotanin wašte owa Taanpetu Ska
28. Iyaonpepica šni Taanpetu-pi kin To stan
31. Christmas-anpetu iyohakab Anpetu Wakan kin Ska

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwica-yapi nūnwe. Amen.

OKOLAKICIYE WAKAN WIWICAWAN-GAPI WAN.

Woonspe Iwikcemna topa sanpa šakowin

Yamnipi nakun.

W. Yamnipi kin etanhan inonpa kin he tokel St. John cajeyata he.

A. "Wicoie kin", na "Wakan-

tanka Tacincala kin", (St. John W. 1. O. 1, 36)

W. St. John wotanin wašte kin etanhan wicowoyake tokaheya na oegle tokaheya kin oyakaye.

A. "Otokahe ekta Wicoie kin hee; Wicoie kin he Wakantanka kici un, na Wicoie kin he Wakantanka he."

W. Ehanna Juda wicaša wowapi kagapi qon, Messiah cajeyatapi eca tukte wicoie wan unpi he

A. Chaldee (Kasdim) iapi el wowapi kagapi kin el, tuktel Moses Jehowa cajeyate cin, he wicoie wan Memra eyapi kin on ieskapi ece.

W. Memra eyapi kin he tokel kapi he.

A. Is he Wicoie eyapi kin he kapi.

W. Memra naiš Wicoie kin he taku yuha keyapi he.

A. Wakantanka taku tona tawa kin he yuha; icin wowapi kagapi kin lena, tuwa Moses Sinai na otehi ileye el iglutani, na woope qu, na hewoskan el wowapetoceca econ qon, he Memra ee ce eyapi.

W. St. Paul Christ eciyatanhan tokel eya he. 1 Tim. 3:16.

A. "Wakantanka awacinpi kin he wowiyukan tanka; Wakan-tanka wicacehi el iglutani qon, Woniya kin on yuwotanla kagapi, mahpiya ogligle wanyakapi, Ikcewicaša ekta oyakapi, wicowapetoceca kin el wicalapi, na wowitan kin ekta wankan eglakupi.

W. St. Paul Heb. 1, 8 el tokel Wakantanka eya keya he.

A. "Cinhintku kin heciya, Wakantanka oiyotanke nitawa kin he owihanke wanica"

W. Wayutanin 1, 8 el tokel Jesus John okiyaka he.

A. "Alpha na Omega, otokahe na owihanke kin he miye ce; Itancan un, na un qon, u kta, iyotan wašaka kin hena hecel eya".

W. Yamnipi kin el iciyamni kin tokel eciyapi he.

A. "Woniya wakan kin", "Wicake woniya kin", "Wakantanka Taniya kin", na "Wicakicanpte cin", he Hebrew iapi ogna Šekina eyapi.

W. Woniya Wakan kin he tuwa ca eciyatanhan u he.

A. Ateyapi kin eciyatanhan. John 15, 26.

W. Woniya Wakan kin he tokel Jesus iyahan he.

A. Baptisma qupi qon, Wakantanka Taniya kin he tiwakiyela kaliya iyahan.

W. Woniya Wakan kin he tokel Wahošiyē Wakanpi kin el wicahi he.

A. Wicaceji, peta seelececa, na tate wašagya uye cin iyecel hi.

W. Woniya wakan kin he wicaša wan tawaičiya se oegle wanji oyaka ye. 1 Kor. 12:4, 11.

A. "Iyunkan taku wicaqupi kin okiwanjila šni, tka . . hena oyasin Woniya wanjila etanhan".

W. Nakun wanji iyececa oya-ka ye. Ohan. 13. 2.

A. "Woniya Wakan kin heya; Barnabas na Salos kici wokicanye iwicaweco kin heon ewicamicigle po, eya".

W. Woniya Wakan tawaičiya kin on tokel Christ eya he.

A. "Wicakicanpte; Atewaye cin etanhan uwaši kte cin, he omayakin kte", na ake "Wicakicanpte, Woniya Wakan kin hee, Atewaye cin micaje on uši kte cin, he taku oyasin anspenotpiya kta". John 15:26; 14:26.

W. Woniya Wakan wakiltani-pi kin on tokel Christ eya he.

A. "Tuwa Woniya Wakan wa-oštegla kinhan kicicajujupi kte šni". Lukas 12:10.

WOWAPI WAKAN YAWAPI WAWOKIYA.

Jonah.

1. Jonah (tiwakiyela eyapi) Amittai einhintku kin he Gath-Hepher, Zebulun makobašpe kin etan, otonwe cigala wan el tonpi. Juda woyakapi eciyatanhan he Sarepta el wiwazica qon he cinca, tuwa Elijah wiconte etanhan kinikiya kin hee, na koškalaka tuwa Jehu, Israel Wicašayatapi kte ca Elisha slaye ši qon ce kecinpi. Toketu eša woyakapi kin lena on watohan Jonah ni qon he yutaninpi. Wokecanpi wan Jeroboam inonpa kin ekta woohiye ohivin kta okiyagšipi qon hee. 2 Wicašayatapi 14, 25.

2. Wowapi kin le yuwitayapi. Wicaša wokcanpi kin le toni oyakapi eciyatanhan wowapi kin le yuwitayapi kin ee. 1. Nineveh, Assyria (Ašur) makoce el otonwe itancan ekta yešipi, tka wata wan Tarsiš (Tartessus) Spain makoce opapun itokagata yin kte cin he inahni opa. Tate ohitike icage, hehan Jonah econwicaši ogna, witawata wicaša kin icupi na minin ehpeyapi. Hehan hogan tanka lica wan napca na anpetu yamni hanhepi ko hogan tezi kin mahel yunka. (Wico. 1) 2. Hehan hogan tezi kin etanhan liglila wacekiye, ca ohakab hogan kin he puzata hiyuya. (Wico. 2) 3. Icinonpa Nineveh ekta yešipi na anagoptan kte šni he koki-pa, cankel iyaye na ekta wicoie kin lena oglaka, "Ehake anpetu wikcemna topa kinhan Nineveh ihangyapi kta". Wicašayatapi kin na taoyate kin iyopeičiyapi. Woiyopeičiye tawapi kin hecetulapi na woyasu qon he ekignakapi. 4. Wicaša wokcan kin he wacin iwošake na canze qon, o-tonwe itankanl canwapa wokeya ičicage cin el iyotanke ca otonwe taku iyagle kte cin wanyak kin e ape yanke. Wowapi kin le ihanke kin el Jonah tokel tawacin bahayela, na Wakantanka towaonšila hanka ca yutanin.

3. Jonah tawowapi kin he Wowapi Wakan onšpa heca, Juda na Christian oyatepi kin ohin-

ni wicalapi, na hecetu e iapi on wowapi kagapi kin he, na woyakapi na makoce cajeyatapi kin he yuwicakapi. Juda oyate kin etanhan ikce wowapi kagapi unkanš wicaša wan hecel wacin peecela, waonšila šni, na watehinla un tohinni owapi kte šni.

4. Wowahokiciye teca el cajeyatapi kin. Wowapi kin le taku oyake cin he nonpakiya Itancan-nyanpi kin cajeyate. Pharisee kin hena "mahpiyatanhan wowapetoceca" wanyagwicakiyin kta cinpi qon, kuyatanhan wanji wicaqu, na hogan tanka Jonah napce kin, na awignuni se ohakab yuecetupi kin, he iyecen Iye wicalapi etanhan yuecetupi kta e wowapetoceca heca keye. (Matt. 12, 40; 16, 4) Nahan Nineveh oyate iyopeičiyapi heon "woyasu anpetu kinhan najinpi kta na wokinconze cinca kin, tona taku ota na tanka yuhapi tka, hena wicaya-supi kta", keye. (Matt. 12, 41)

MIKA

1. Micah, wicacaje kin he Micah (Wicašayatapi Wico. 22) he iyececa kin, he wicacaje wan Mikajahu (tuwa Jehowa iyececa he eyapi) he aoptel eyapi. Mika he Marešeth-gath, Philistia makoblaye cin hetanhan. (Mika 1. 14) He Jothan, Ahaz na Hezekiah taanpetupi kin icunhan ni, waniyetu wikcemna zaptan sanpa wanji, B. C. 748 etanhan 697 hehanyan. Jeremiah taku oyake cin on ktepi kta e kiwitayapi qonhan, he tokel Hezekiah taanpetu icunhan, Mika Marešeth etan, Juda waewicakiye na ktepi kta tka econpi šni oyakapi kin he cajeyate na on ktepi šni. (Jer. 26:8-24)

2. Yuwitayapi. Mika wokcan tawa kin tokankan oyake ceyaš, wowapi kin le el owanjila kagapi, tka ošpe yamni on kiyušpapi, otoiyohe otokaheya woiyopeye na ihankeya woyawašte cajeyate. (1.) Onšpa tokaheya kin (Wico. 1-3) el wakokipe wicakicaga he lila ota. Jehowa woyasu on hi kte cin, he Juda na Israel woahtani tawapi on hi kta, na wicohan šica tawapi, na iyotan wokcanpi wicakapi šni kin, on woyasu kte cin he oyaka. (2.) Onšpa inonpa (Wico. 4, 5) el woiwahoye heca lila ota; Zion yuecetupi kta, tipi wakan kin, oyate kin, na Messiah toawanyake ihukuya oyate oyasin wicayuwitayapi kte cin he oyake. (3.) Onšpa iyamni kin (Wico. 6, 7) el wicoie oiyokišica heca oyaka, Jehowa na toyate kin obwoglake cin cajeyate; Iye awanwicayake cin he owotanla, na woyasu awacin eša, icunhan wo-waonšila kiksuyin kta he oyaka.

3. Wowahokiciye Teca kin el tawowapi cajeyatapi kin, he Beth-lehem Ephratah el Messiah tonpi kta he (Wico. 5, 2) Juda itancanpi kin Herod okiyakapi qon (Matt. 5, 6), nahan wicota cajeyatapi qon (John 7, 42) na tiwahe waakinicapi kin (7, 6) Matt. 10, 36 na Mark 13, 12 el cajeyatapi.

Niobrara Deanery Convocation kin.

[Continued from last number]

Sunday, Sep. 17; 10:30 a. m.

Convocation kin owacekiye wakan econpi, qa anpetu izaptan qonhan owacekiye kin en wicaša wakan tona unpi qon ake owasin en unpi tka 8 a. m. Dean Ashley Wotapi Wakan econ na ake 9:30 econpi kin el Rev. Amos Ross Wowapi kin yawa qa Rev. Luke C. Walker Wotanin wašte kin yawa, qa Rev. A. B. Clark Wahokonwicakiye, anpetu kin de Wotanin wašte tawa kin heon Wahokonwicakiye, Owacekiye kin de en wicaša qa winyan koya akezaptan wicayusutapi. Hehan Bishop iyelca Wotapi Wakan kin yuwakan qa opawinge nom sam akeyamni wotapi wakan kin icupi.

Hehan wicokaya sanpa qonhan ake yuptaya owacekiye econpi qa iyohakam wica kin ishana owacekiye econpi qa winyan kin ins ishana owacekiye econpi qa hena en wicaša wakan ota wowahokon-kiye econpi, qa litayetu kin ekta St. Andrew Sunkakiciyapi kin omniciye econpi qa nakun Brotherhood of Christian Unity kin omniciye econpi, qa nakun Winyan kin omniciye econpi heciyotanyan oanpetu kin de yusotapi.

Monday, Sep. 18; 9:30 a. m.

Convocation eyotanke kte cin itokan Rev. Amos Ross Hinhan-na Wocekiye kin econ qa hehan Dean Ashley Convocation omniciye kin yulidoke, qa wicacaje kin yawapi kte šni yuſtanpi, qa nakun hekta wocon kin yawapi kte šni yuſtanpi.

Hehan Rev. Amos Ross tuwa Convocation tamazaska awanyaka tawokdake iwanyakapi kta on Committee en Chairman kin he wokdake qa Convocation tamazaska awanyaka tawokdake kin he iwanunyakapi qa owasin tanyan econ e iyeunyanpelo, eye.

Hehan Alfred C. Smith tuwa wicacaje iwanyakapi on Committee Chairman qon wokdake qa Levi Bird he Helper heca tka cajeyatapi šni keya.

Hehan Rev. William Holmes wacajeyate qa Convocation tamazaska kin hetanhan mazaska wikcemna yamni icupi qa Anpao kin on okiyapi kta keya, qa Charles Tackett okiye qa he okna yuſtanpi.

Hehan James White Eyes wacajeyate qa Dakota wicaša wakan tawomnaye kin he wocekiye oyanke otoloyohi womnaye kin he iyadyatayena mnaiciyapi kta iyececa keye qa William Tacejisapa qa Joshua Scares the Hawk henaos okiyapi, tka John Okajaya qa Louis Dorian henaos is wicadapi šni qa hekta token ocon yanke qon heceknana yin kta eyapi qa John Okajaya qa Louis Dorian token cinpi qon he okna yuſtanpi.

Hehan Wowapi kage cin he

Convocation tawoecon kin hena Anpao kin en yuotanin kta eyapi qa okna yuſtanpi. Hehan William Tahe, Sisseton etanhan kin he wokdake qa St. John Baptist tipi wakan kin he apiyapi kta e on mazaska wikcemna šakdogan Bishop qupi tka nahanlicin tokiyotan waayupte šni keye qa he Itancan kin tokša Bishop okiyakin kta keya wahoye.

Hehan Matthew Left hand Bear wacajeyate qa Convocation kin de canopiye wanji mazaska omnaye e yuha kta qa tohan Convocation econpi eca kdadapi kta iyececa keya qa he Rev. John Wahoyapi okiye qa nakun Louis Landner okiye, tka Geo. Sword qa Alfred C. Smith henaos is hecetu kte šni eyapi qa he okna yuſtanpi.

Hehan Rev. William Holmes wanna enakiyapi kta cajeyata qa he okna yuſtanpi.

Sept. 18; 2:30 p. m.

Wicokaya sanpa kin de Mrs. Deloria te cin on wicahapi wocon kin econpi qa Rev. Joseph W. Cook wicahapi wocon kin yawa qa Bishop wahokonwicakiye qa iyohakam Dean Ashley Convocation omniciye yulidake.

Rev. Wm. Holmes wicacaje kin yawapi kte šni keya qa okiyapi qa okna yuſtanpi Hehan Louis Landner hekta wocon kin yawa pi kte šni keya qa he okna yuſtanpi. Hehan Rev. A. B. Clark wacajeyate qa heye, Ito Convocation unyankapi kin de wiyohin-yanpata yewicašipi omniciye kodawicunyanpi yankapi kin qa winyan omniciye n pi kin hena ohinni unkiyapi qa wocekiye tawapi kin hena on unkiya yankapi kin heon cante eciyatanhan wopida ewicunkiyapi kte do eye qa he Rev. Mr. Burt okiye qa okna yuſtanpi.

Hehan Rev. Amos Ross wacajeyate qa Ito Rev. P. J. Deloria nakaha hunku te cin on cantešica sdonunyanpi heon Convocation unyankapi kin de kici canteunšicapi kin he onahonunyanpi kte do eye qa Rev. Mr. Burt okiye qa nakun sam Rev. John Robinson tawicu wayazan kin on he nakun kici cante unšicapi e onahonunyanpi kte do eye qa he okna yuſtanpi.

Hehan Rev. Mr. Burt wacajeyate qa heye Convocation unyankapi kin de nakaha Bishop wonahon wanji wašte unkokiyaqapi qa Rev. Wm. J. Cleveland ake Dakotapi kin wicekna kdiyotanke qa wanna Pine Ridge Agency District he awanyaka keya, heon ito Wowapi kage cin he wowapi wanji kicage qa cinyeunyanpi kin de Wazi wan hanske qon he ake piya iye tamaka hee cin en oki-ksu kin he piundapi e onahonin kte do eye qa he okiyapi hecen he yuſtanpi.

Hehan Rev. Joseph Goodteacher he wacajeyate qa mazaska tona ahipi kin wanna ahikadapi kte do eye qa he okna yuſtanpi, qa Itancan kin Rev. Amos Ross qa Rev. Percy Phillips qa Alf. C. Smith hena wicakalnige qa mazaska kin he icupi.

Hehan Walter Red Elk he wacajeyate qa Ito Convocation kin de Ihanktonwan tipi kin den Wicaša wakan qa Wawokiya qa Catholicist wicayuhapi qa koška omniciye qa winyan omniciye unpi kin qa oyate kin woyute qa taku keša on tanyan unkuwapi kin heon wopida ewicunkiyapi kte do eye

qa he okiyapi qa okna yuſtanpi.

Hehan George Sword he wanna tokata tukten omniciye kte cin he cajeunyatapi kte do eye qa he Daniel Fire Cloud okiye qa he yuſtanpi qa Cheyenne Agency qa Crow Creek Agency henaos on inajinpi qa Cheyenne Agency kin heon wikcemna zaptan sam šakowin inajinpi qa Crow Creek Agency kin heon wikcemna zaptan sam nom inajinpi hecen Cheyenne Agency, Holiboju kin hena yuſtanpi.

Hehan makoncage watohan omniciye kin econpi wašte iyukcanpi qa topakiya kapi qa ohanketa Bishop iye watohan cin kinhan he okna kin kta eyapi qa he okna yuſtanpi.

Hehan Itancan kin wowapi kage cin he Convocation tawoecon kin yawaši qa hena yawa qa owasin hecetu keyapi wadehan Bishop iye eca Itancan iytanke.

Hehan Alfred C. Smith he mazaska tona ahikadapi kin he Convocation yankapi kin onahonwicaye qa mazaska opawinge nom sam wikcemna nom sam šakpe sam kašpapi nom sam mazaša zaptan henakeca keya. (Tokata opawinge yamni kta siye!)

Hehan Alf. C. Smith wanna enakiyapi kta keya qa Rev. Wm. Holmes okiye qa iyohakam cawah kin itankad yumibekiya enajin qa ehake Woyatan Wopida eyapi qa Bishop wahokonwicakiye qa tokata omniciye kte cin he hanyan enakiyapi waeye kin yatanin qa enakiyapi.

William Holmes,
Convocation Secretary

Winyan Omniciye Wowasukiye.

1. Winyan Omniciye kin le, Protestant Episcopal (Skahin) Okolakiciye, Wawokiya Omniciye (Wom. Auxiliary) eciyapi kta; na Wošna Kaga tawapi kin ohlateya wowaši econpi kta.

2. Omniciye iyohila Itancan wanji, Itancan okihe wan, Mazaska Awanyaka wan, na Wowapi kage wan yuha kta; na Itancan kin lena omaka iyohi December wi kin icunhan wicakalnigapi kta.

3. (a) Itancan kin he omniciye oyasin el un kta iyececa, tka wanji el un kta okihi šni echantanhanš, Itancan okihe kin el un kta na Itancan wicohan ogna econ kta.

(b) Nopin el unpi šni kinhan Wowapi kage cin Itancan yankin kta. He el un šni na itancan wanica kinhan winyan tona hipi kin, wanji inahni itancan kta ca kahnigapi kta. Tka tohan hececa kinhan taku wanji wayuſtanpi kte šni, wacekiyapi na ikcewoqlakapi kta ecela econpi kta.

4. (a) Anpetu itopa omniciye heca econpi kta, wicokan sanpa hehantu, na ignuhayela taku wanji on igluwitayapi kta iyececa kinhan, Itancan hee cin he wicayuwitayin kta.

(b) Miniciyapi eca Itancan Tawoekiye, Wocekiye toktokeca na Wowicala kin eyapi kta. Lowanpi kta, na tokel okihi kin Wowapi Wakan yawapi kta, na etanhan oegle tawacin on onspeiciciyapi kta.

(c) Taku wanji-mazaska on, naiš taku econpi kta-on wayuſtanpi kta hecinhan Itancan kin najiwicakiye, naiš yugalwicaye

cin on (Vote) wayuſtanwicakiyin kta.

5. Winyan tona Omniciye opapi kin iyohila Canopiye šaša wan yuhapi kta iyececa. Okna mazašala mnayanpi kin tiyata wicohan kin on wowilagyapi kte šni, tka Miniwanca kowakata naiš Milahanska makoce imahel Yewicašipi wan, tukte wanji iyokipipi kinhan, heon mazaska kin hena Wošna kaga kin he yewicakiciyin kta. Tiyata wicohan kin he wakagegepi na womnaye ikceka kin on wakamnapi kta. Omaka iyohi May wi na December wi kin icunhan Canopiye šaša kin kahllokapi kta.

6. (a) Omniciye kin el ignuhayela taku wanji tanyan okicahnigapi šni, naiš akinicapi kinhan, Wošna kaga okiyakapi kta, na hetanhan tokel iyukcan kin he ognayan econpi kta.

(b) Nahan omniciye kin le el wicaša tuweni iegle kta iyececa šni, tka wicaša wan taku eye cinhan, okipapi šni ecel, Wošna kaga kin iyungapi kta, na iye tokel eye cinhan okipapi kta. Koškakala Itancan na Wawokiya omniciye el unpi kinhan hecetu, tka wicaša na winyan yukinukanyan mniciyapi kta iyececa.

7. Oyanke wanji el winyan omniciye kin taku kuwapi na on mazaska mnayanpi kta cinpi kinhan, Wicaša Wakan iyungapi na hecetu keye echantanhanš, oeletka mnapi kin owicakiyapi kta ca icewicakiyapi kta, na okipipi kinhan owicakiyapi kta.

(Iwankab-woope owapi kin hena Winyan omniciye yuhapi kta wašte ca iyukcanpi ye. Owakpamni wanji el yuhapi na itanyanpi ece.)

Cheyenne Agency,

Ascension Station etanhan.

Anpao kin, ito wayaotanin ciši kte lo. Hekta November wi kin icunhan Wikoškalaka omniciye wan, Ascension Church el icagapi "Daughters of the King" ewicakiyapi, na Christ tokicenze kin wikoškalaka eгна icagin kta on he kagapi, na el oitancanpi kin lena eepi: Miss Lena L. LeBeau, Itancanheca; Mrs. Bella Two Kills, Itancan okihe; Mrs. Dora S. Jones, Wowapi kage; Mrs. Alice S. St. Bull, Mazaska awanyake; na Mrs. Bessie Hates Him, Wokagege awanyaka. Kahnih opapi kin wikcemna nonpa sam yamnipi, na lena otuptaye iyulipala 28. Wanna wi tona wowaši econpi, na lecel econpi: lowanpi na wacekiyapi, na hehanl iytotankapi na taku kagegepi kta iyecetu kin heca iyohila yuha iytotankapi na kagegepi. Tohanl wanna oyasin gluſtanpi qon hehanl wotapi wan wašte kagapi, na el taku kin hena wiyopeyapi. Tankapi kin hena 15 cents on wotapi, na ciqapila kin is 10 cents on wotapi. Nahan tona wayazanpi el hipi kin hena woyute ocaje etanhanhan nape ogna icupi na yuonihanyan wowicakalpi, na iyuskin wicayapi. Wowaši econpi kin le el taku wanji weksuya. St. Lukas 10:40, 41 el, Martha taku ikceka kin heca on lila wowaši econ, na tankaku wan Mary eciyapi e he Jesus token omani kin ihakab un ece, unkan

ohanketa Martha heye lo, "mitanka elpmaye ca mišnala taku ota ecamon ece kin niš taku ewacani šni he. Heon etanhan omakiyin kta keciya ye" eye lo. Tuka Jesus waayupte ca heciya, Martha, Martha, taku ota yakicanda wacani na on nagiyeniciya ece, tka taku wanjila cinpica, unkan Mary taku wašte kin he kašniga he icimana kipi kte šni ce, eye lo. Ho lehantu kinhan Lakota egna Tankakiciyapi obe nom škanpi, unma Daughters of the King, na unma kin is Women's Auxiliary ewicakiciyapi. Daughters of the King kin mazaska mnayanpi etanhan wikcemna yamni sanpa zaptan Convocation ekta ayapi na taku wicohan wašte kin hena okiyapi. Ho, Presbyter, Deacon, Catechist, Helpers, tona Lakota egna yaškanpi kin, lena wocekiye ewicakiciyapiye, sanpa wašakapi kte lo. Ho nitakolapi iyotan onšike he cin he miye ye lo.

Eugene St. Bull.

WOTANIN IKCEKA.

Montana makopašte ekta, October 23 ehanl lila icamna. He itokab tohinni October wi icunhan hecel tate ohitika nahan lila hecin icamna slolyapi šni keyapi. Makoce kin he ekta talica šunka ota icahwicayapi, yunkan heca waawanyakapi kin ota cuwita tapi. Eya nakun wicaša ota cuwita tapi naceca tka talica šunka awanyakapi kin etanhan napciyunka tapi slolyapi. Heca wicatanacan zaptan ta hpaya iye-wicayapi.

Admiral Dewey Manila etanhan gli qon ehanl, New York otowwe ekta lila yuonihanpi. Eya United States ataya otanton-yankel iyuškinye hecin yatanpi yeša New York otowwe tanka kin hel tokaheya tamakoce ohuta kin ekta kihuni yelakaš hel ecela lila hecin oyate kawitaya iheya na Admiral tawapi wanna gli išta on wanglakapi qonhanl mahpiya yu-šlecapi wacin se iyakišapi. Hehan, on yuonihanpi kta nakun econpi kin hena oyasin cajeyal unkayapi hantans Anpao Kin ojula unkagapi yeša nakun kipi kte šni.

Admiral wicakagapi kin he lila woyuonihan tanka lica. United States tawaciayapi ehantanhan wanna waniyetu opawinge sanpa wikcemna nonpa sanpa yamni, na icunhan Miniowancata Akicita Itancan tanka olotapi; yeša he-tanhan wicaša yamnila išnala hecel tehanl wankan ewicagnakapi na Admiral ewicakiciyapi. Porter, Farragut na Dewey hena eepi.

Admiral Dewey gli yunkan wancag tipi wašte opekicatonpi na oğna yankin kta icekiyapi. He opekicatonpi kta on oyate etan tuwa cin kin tohanyan iyokipi kinhan on mazaska kicin, yunkan mazaska koktopawinge wikcemna zaptan (\$50,000.00) hecel mnayanpi.

Admiral Dewey gli yunkan iecala tawicuton kta iglušan, wanna wicabla yeša. Tawicu ehanna ta, nahan winyan wan yuzin kte cin is eya hignaku ta. Lila winyan wašte keyapi, na Tunkansila ti ekta tanyan slolyapi. Tokaš Admiral kin tipi wašte na

tanka opekicatonpi na qupi qon he oğna išnala yankin kta iyokipi šni seca, on kohan tawicuton kta cin kin he onšpa ee naceca.

Admiral Dewey Ska Un Okolakiciye opa tka winyan wan yuzin kte cin he Sina Sapa Okolakiciye etanhan keyapi. E! Toketu hwo? unkecinpi. Miniowanca ekta wokicize econ wayupika, yeša! tawicu glašnili onspe šni selyakel le taku token hwo?

Ptewaniyanpi kin wanjigji lila tehika. Lecala, Kansas City ekta John Sparks, Reno, Nevada, etanhan \$2,500.00 ptewiyela wan-jila iyoepya. He owe wanji Herford ewicakiciyapi kin etanhan. Armour Rose eya cajeyatapi.

Saglaša oyate wanna Hasapa makoce ekta, Transvaal makopašte kin heltu, Boers ewicakiciyapi kin ob kicizapi. Canada nakun etanhan akicita heciya yewicašipi kta. Traansvaal makoce kin hel mazaskazi na inyan talihika ota iyeyapi yunkan hetanhan wokicize kin le icaga. Eyaš takomni Saglaša oyate kin oyate tanka na jicapi: agna taakicita tanye hecin onspewicakiciyapi sa canke toka kicis ayapi kin ekta Boers kin is wokicize wanjigji el ohiyapi na Saglaša akicita ota wayaka iwicacupi yeša tehan Saglaša oyate itkokib inajin okihihi kta iyececa šni.

Cripple Creek, Colorado, ekta ake mazaskazi iyeyapi, lecala. Hel ecela inyan maza yukan kin, ore eciyapi, lila maza ojula ececa. Hekta, Isabella maza opapi kin ekta, inyan heca iyeyapi qon tkeyutapi tanka (ton) wanjila yu-kpanpi eca etanhan mazaskazi \$100,000.00 kipiya icupi ece, tka lecala iyeyapi kin he inyan tkeyutapi tanka wanjila etanhan \$200,000.00 icupi ececa keyapi.

Ute ewicakiciyapi kin wanna ohankoya makoce ieu ayapi keyapi. Lecala 364 heconpi, yunkan 450 nahanhecin econpi šni kin hena is eya tokaš makoce oiyute-ya gluha yankapi kta selececa.

South Africa (Hasapa makooce) ekta Saglaša oyate Boers ob kicizapi yunkan akicita tawahpaye tokšupi kta ca on United States etanhan šunšunla ota opeton ayapi. Lecala New Orleans otowwe ekta heca koktopawinge wanji opetonpi yunkan wata tanka oğna Hasapa makoce ekta awicayapi.

Tunkansila Iyokihe, Mr. Hobart eciyapi kin, he wanna tehan lila wayazanka. Owekinahanš le wanlakapi šni ikokab tin kta naceca.

Ira A. Hatch, Aberdeen, S. D. etanhan Olwoju ekta ateyapi kta ca Oct. 25 ehanl commission tawa ieu. J. G. Reid he taku tona ektašniyan econ kin on heyab iyeyapi yunkan ostan ateyapi wicohan hel yuha kta ca Mr. Hatch he kašnigapi.

Sup't Davis, Flandreau, S. D. ekta Tunkansilayapi Owayawa tanka awanyake cin he mazaska onge woope ognayan šni yusota iyaonpapi na on heyab iyeyapi kta wanna yušanpi naunhonpi. Mr. Davis waniyetu ota wayawa-wicohan kin el tanyan škan

tka. Oglala owakpamni ekta owayawa tanka funaga qon ehanl hel waawanyaka un, na itahena Wakpa Ipaksan ekta owayawa tanka toka kagapi qon ehantanhan išnala hel itancan yuhapi.

Oglala Owakpamni ekta owayawa tanka itancan kin, Mr. Butterfield, tehan wayazanka yunkan sanpa wašake šni aya on etanhan wi tona asnikiyin kta ca lecala Salt Lake City ekta iyayin kta woiyowinkiye qupi.

Lakota egna wowasukiye on wakanheja oyasin wayawawicakiciyapi opawicakiciyapi yunkan oyate onšpa he tehikalapi naceca: yeša Lakota oyate išnala hecel wowasukiye wicacupi šni. Wašicun nahan oyate toktokeca ota hecel wowasukiye icicagapi sa; iyutapi na wašte iyeyapi kin heon etanhan. Omaha otowwe ekta lecala woope heca wan icicagapi yunkan is eya onšpa hecetu šni lapi yeša tona hecetu kta cinpi kin iyeš otapi cankelaka ohiyapi yunkan on otowwe kin ataya wanna lila iyuškinpi.

Wicaša wanjigji ipsicapi kta onspepi šni: akeš wanjigji lila ipsil wayupikapi kin eciyatanhan on mazaska kannapi, lus inyan-kapi nainš woškate econ wopikapi kin econpi kin iyececa. University of Pennsylvania etanhan wanji, Mr. Kraenzlein eciyapi, he hekta siha iyutapi 24 sanpa iyutapi ciqala 4½ hehanyan ipsica yunkan he on maka kin ataya tehan ipsicapi okihihi kin oyasin ohiwicaya, canke maka ataya hanskeya ipsica itancan oyakapi. Eyaš lecala lašica wanji, Pat O'Connor eciyapi, he siha iyutapi 24 sanpa iyutapi ciqala 8½ hehanyan ipsica kin on kapa yunkan wowitan tawa on maka kin ataya caje tanka yuha qon he ki. Canotila etanhan wicaša icagapi keyapi sa kin he naonpi kinhan lila iyuškinpi kta iyececa! Icin sunkawicayapi kin hunl atewicayapi qon tohan nahanl wicakiciyuhapi na sanpa onspeiciciyapi kta iyokipipi lakaš.

Lecala makopašte (States) ake-nonpa elel oitancan unpi kta wicakahnigapi yunkan tokelkel škanpi kin hetanhan taku wanji taninyan he selececa. Omaka 1900 kinhan ake Tunkansilayapi kta tokeca wanji kašnigapi kta škanpi kinhan wicaša nonpa to-kapa inajinpi kte cin hena William McKinley na Mr. Bryan eepi kta hee.

Miss Emily J. West, tehan Rev. Mr. Hinman kici Isanyati wicegna Okolakiciye Wakan kin wicohan el škan qon he hekta Wakanpi Oyasin Taanpetu qon ehanl Jesus el ištinnma.

Jackson, Miss. ikiyela, Nov. 6 ehanl, wicaša wan makoce onšpa wiwila ececa el wakute omani yunkan koka wan iyeya. Yuhlo-kapi qonhan mazaska koktopawinge wikcemna zaptan mahel itokeca šni tanyan yanka iyeyapi. Oyasin mazaskazi heca yunkan iyohila mazaskazi kagapi owe wanji mazaska wikcemna nonpa kipi ececa. Hena oyasin omaka 1850 itokab kagapi yelakaš hekta 1863, wašicun kicizapi qon ehan-tanhan hel yanka iyukanpi.

Wata wan mini šma ekta kul iyayeyapi na minia mahel atanin-šniyan tanyan iyayekiyapi kta heca kagapi kta tehan kuwapi; yunkan lecala wašicun wan, Mr. Holland eciyapi, heca wanji kaga na iyutapi yunkan lila tanyan iyaya keyapi. Heca yuhayi kinhan taku tona on unpi kta yukan; yeša aiyyotan miniowancata kicizapi cannahen oğna toka okicize wata tanka tawapi kin ekta nahmala ikiyela yapi na mini ohlata-ya cete kahlokapi on okaspeyapi kta hee ca on kagapi.

October 5 ehanl Hesapa etanhan mazacanku canpagmi wanji inyan mazaskazi yukan (ore) ojula otowweheta iyayeyapi yunkan on \$85,000.00 eetu icupi.

Wanna aku kta.

Anpao: Ito taku wanji ociciyakin kta qa niš sanpa nitakoda owicayakidakin kta. Hohe oyate nina iciknayanpi, nina wanagi wacipi, qa wanna ecanna ehanna tapi kin hena wanna aku kta keyapi. Wowapi onspe tapi kin hena wowapi kagapi qa wanagi wan ahi keyapi; qa wanna Waleinca oyate el koška wan Wamahe eciyapi oyate owasin wicaknayan. Wanagi wacipi kin tanka icah aya. Tuwa wase kicin šni kinhan he tin kta, qa nakun sanpa tin kta keya canken, tona wicadapi kin owasin ite qa pa, tancan, nape siha qa hayake ko šakiya unpi, qa oyate kin sanpa Dakota ayapi, qa wanaon šni qa ocinšica ayapi, qa wanagi kin wanna de maka kin akdi kta wiyeya unpi anpetu owasin. Jesus tohan mahpiya ekta knin kta itokab iapi ota de-ceca eye ciqon, wanna eetu aya, "tona wicadapi kin hena eepi kaeš ko wicaknayanpi kta" eya, owasin eetu aya. Heon wakta un po!

Rosebud etanhan.

Anpao kin: Tohantu keša wawacin wašte na etanhan tona nahonpi kinhan on woonspe iye-yepica ehantans hena onahonun-niyanpi na owancaya laobleca ece. Lehan tohanl B. C. U. ewicakiciyapi kin el opeya waun kin he owaglakin kte lo. Yunkan otokaheya Psalm wokašnige iša-kpe na oegle inonpa el wicoie wanblake heon lila waawacanmi. Hehanqon hekta unkupi taku iyotan wacinunyanpi hea unqon-pi na hena hecetu hea wowicake kin ee se wawiyutan eceela woi-hakta unyanpi awakibleze. Yunkan lehanl wayawa hokšila un-qonpi kin tokeše unhanpi huwo-ecanmi. Icin hena Lakota tawicohan iyowaja šni unkiyapi na tokatakiya taku tona iwastepti kte cin he onspeiciye unsipi. Mis-lehanl awakibleze cin ake sanpa lila awacanmi. B. C. U. owapa hetanhan tipi wakan el ijehan wacekiyapi kin el waun kte hecin mitawacin canke, tipi wakan un-kitawapi kin 7 miles eetu tka mitawacin on huiyun iwahunni ece. Na akeš tohanyan Confirmation ecamon kin hetanhan wanna hekta wicohan qon hena ilpewaye cin piya waghūsuta kin hetan leon awanmiciglake he leo. Roma wicowoyake 4, na oegle 8 kin he el. Tona Anpao iyacupi micante ataya on nape ciyuzapi. Nitakola wanji he miye.

Cyrus Stone.